

V I R O  
NOBILISSIMO ET ERUDI-  
TISSIMO  
JO. WOODWARD,  
Medico & Philosopho acutissimo  
in Collegio Greshamensi Professore  
Societatis Regiæ Socio

S. P. D.

JOH. HENRICUS LINCK.



Non terrebit Musas Tuas hic  
crocodilus , acutissime  
Woodwardi. Neque enim  
e Nilo canibus hominibus-  
que formidandus, sed ex  
mediis Germaniæ mon-  
tibus venit. Quamquam nec ejus magnitu-  
dinis

X



dinis est, ut valde ab eo quis metuerit. Ego vero Tibieum consecro, cum quod omnium callentissimus harum rerum arbiter sis, tum ut gratum Tibi animum tester, qui ex Tuis divitiis Museum nostrum non mediocriter ornasti. Lapis est ex fissilium nigricantium genere, quos vernacula *Schiefer* appellamus. In longitudinem 2. ped. Rom. vet. & 8. poll. extenditur. pondere 94. libr. Lips. æquat. Medium secat animalis spina dorsi, cum reliquiis tenuium costarum, ejusque omnes articuli facile dignoscuntur. (a. a. a.) Conspicua est nigredine sua, eaque reliqui lapidis colorem vincit. Alicubi tamen (dd) dissecto lapide excussa fuerunt ossium fragmenta: idque in lapide prodit coloris diversitas. Qua in caput desiit, abruptus est lapis, ita ut pars tantum capitis (f) conspiciatur. Forte & in intima parte non nulla desunt. Agnosces præterea ossa scapulæ duo, (bb) & tres pedes, (ccc) quorum singuli in 5. digitos secantur, digiti singuli in 4. articulos, in uno tamen 5. articulos discernere datur. Penes caput alia figura conspicitur, (g) quam partem inferiorem piscis cujusdam interpretor, quem in eandem cum hoc sceleto massam casus conjecit



jecit. Ceterum superficiem lapidis violavit passim ferrum fossoris, quas notas lit. (h.) indicat.

Lapis repertus est in montibus Thuringiæ prope Sulam, qui cupri feraces sunt. Unde erutus etiam fuit alius lapis, simile animal referens, quem celebris quondam Medicus Berolinensis *Christianus Maximilianus Spenerus* possedit. Delineatur in Tom. I. *Miscellaneorum Societatis Berolinensis*, atque inde a callentissimo naturæ *Scheuchzero* Tuo, in *querelis & vindictis piscium*, aliisque Autoribus, *Valentino & Bütnero*, qui vernaculo sermone hos diluvii testes interpretati sunt, sed diversa paululum figura repetitus est. Verum noster & magnitudine vincit, & ipsum animal accuratius exhibet, cui Tu, Vir Nobilissime, novam veluti vitam, formamque felicibus conjecturis dabis. Vale, & divisus studiis inter medicam & literariam rem, utramque diutissime orna. Dab. Lipsiæ c l o l o c c x v i i i . Prid. Id. Apr.



